

infans Moyfes dicitur *naar*, Exod. 2. v. 6. ut & infans Samson, Jud. 13. v. 5. Rectè ergò ex Hieron. Quæstionibus in Genesin, inquit Flacius part. 2. Clav. p. 186. *Secundum Hebræorum idioma, infans vocatur omnis filius ad comparationem parentum.* Hæc ille. Sic I. Reg. 18. v. 12. Abdias dicit ad Eliam: Servus tuus timet Dominum מַנְעַרַיִם *minneyraif*, ubi non excludit tempora infantia suæ. Et significatio illustratur etiam ex ipsa radice נָעַר *naar*, id est, excussit. Notat igitur & infantem, ex utero matris excussum, seu editum in lucem.

17, Sic quamvis non simpliciter inficiemur, vocem, *neurim*, significare eam etiam ætatem, qua homo incipit ratione uti, quod ferè fit anno sexto, ut ait D. Lutherus in Genes. 8. p. 407. imò ipsam etiam *juventutem*: non tamen asserere rectè scimus, quod Gen. 8. v. 21. vox, *neurim*, non significet *infantiam*: Siquidem, ut jam probabo, loquitur ibi Jehova de peccato etiam originali, quo polluitur homo non demum anno vel sexto vel sequentibus; sed in ipsa conceptione, Psal. 51. & in ipso matris utero, Psal. 58. v. 4. & Esa. 48. v. 8. Unde non solum *adulti*, sed etiam *infantes* sunt morti, quæ *peccati* pœna est, obnoxii, Rom. 5. v. 14. tum in utero matrum, tum extra eum, postquam geniti sunt, teste experientia. *Rursus*, Deus Gen. 6. v. 5. & 8. v. 21. de illo quoque loquitur peccato, quod est in homine *omni die*, i. e. *continue & omni tempore*. Non igitur *tempus infantia* hic excludit. Neque hic est hyperbole, ut tamen etiam vult Bellarm. l. 2. de verbo Dei c. 12. quia nulla istius vestigia monstrat Spiritus S.

18. Objicias, Moysem per *figmentum cogitationum cordis humani* intelligere id, quod homo potest in suis cogitationibus, seu cum ratione & libero arbitrio, etiam in summo gradu, & quod summo studio excogitat, diligit, facit, sicut *figulus*, & putat pulcherrimum esse. Idque hinc etiam constare: quia מַחְשָׁבָה significet cogitationem solertem, σοφία & λογισμὸν, à radice חָשַׁב cogitavit sapienter & ingeniosè. At tale figmentum non quadrare in infantiam. E. Resp. Licet cum Dn. Luthero in Genes. p. 337. & 400. concedamus, quod *jézer* hic significet industriam, sapientiam, rationem humanam, cum omnibus viribus, quibus etiam in optimis actionibus ratio utitur: non tamen vel ille, vel nos simpliciter imus inficias, in dictis Moyfis modò allegatis, *infantiam* hominis etiam intelligi: neque hinc statim id concludi potest: *Quin potius cum Luthero p. 400. dicere nobis libet: Hic est insignis locus de peccato originali, quod qui extenuant, hi profectò, sicut cæci in sole, errant,*

&